

# Planet ICH (Anfang)

T. & M. D. Liauw

## 1. Teil: kleine Kinder

*Ema Balinisteanu*

Eis, zwoi, drü,  
Chopf, Arm, Chnü.  
Zähle chan ich scho uf drü.

*Ema, Alina Lerjen*

A, B, C,  
Fuchs, Haas, Reh.  
Sonne, Räge, Wind und Schnee.  
I dem Ruum bin ich dehei.  
Do mach ich so allerlei.

*Stella Schneider, Nele Refardt*

Do, Re, Mi,  
gross und chli.  
Aare, Limmel, Rüss und Rhii.

*Mila La Roche, Julia Lerjen*

Sig, sag, sug,  
Stross und Brugg.  
Vorwärts, halt, und wieder zugg.

*E.B., A.L., S.S., N.R., M.LR., J.L.*

Alles won ich bruch isch do,  
do würd ich glaub nie furt goh.

## 2. Teil: Primarschüler

*Louis Brönnimann*

D' Spieli sind meischtens do i dem Chaschte,  
mis Pyjama liet do ufem Bett.  
Im Egge en Fuessball, es Gschtell mit Buecher,  
das Puff woni mol ufruume sett.

*Ruben Brönnimann*

Noime sött mini Spange si,  
woni für d Nacht muess ha,  
und die Panini-Bildli do,  
sind die woni dopplet ha.

*L.B., R.B., La.B., N.K., Pierre Giger*

Das isch mini Wält, mini Heimet, mini eigene vier Wänd.  
Das isch mini Wält, woni läbe, wo ihr nüt z säge händ.  
Und weni mol e chli trurig bi, oder eifach nume verruckt,  
denn bruchi chli Rueh und zieh mich dohi zugg.

*Laila Berger*

Es Poster mit Ross und mini Lieblingsbuecher,  
e Farbschiftschachtel und au Papier.  
Es Frundschaftsbuech und farbige Tüecher,  
es Bett voll weiche Kuscheltier.

*Nena König*

Mis Bäbihus vo früener,  
chunnt jetz denn in Eschtrich ue.  
Aber ich ha jetz es eignigs Handy,  
won ich ame chatte tue.

*L.B., R.B., La.B., N.K., Pierre Giger*

Das isch mini Wält, mini Heimet, mini eigene vier Wänd.  
Das isch mini Wält, woni läbe, wo ihr nüt z säge händ.  
Und weni mol e chli trurig bi, oder eifach nume verruckt,  
denn bruchi chli Rueh und zieh mich dohi zugg.

### 3. Teil: Teens

*Lia Arrigoni*

I dem Zimmer do chan ich ganz eifach mich si,  
do muess ich ned so tue als wär ich supermegacool.

*Natalia Lang, Seraphina Gaal  
(ev. + Lia)*

Aber mis Zimmer setti doch es bitzli glich si,  
wie das vo andere, susch dänket die, mit mir sig öpis ful .  
Ich mein, es muess jo ned grad e Kopie si,  
halt eifach so dass alli findet s sigi cool.

L.A., N.L., S.G., M.R., A.R., S.C., R.R. Mis Zimmer, das isch s Zäntrum vo mim Läbe.  
Vo Aafang a isch s mis deheime gsi.  
S het sich veränderet mit mir und isch denäbe  
grad wien e Schatztrue gsi für mini Fantasie.

*Mona Richle, Annika Röthlin*

De Chaschte do chunnt uf die ander Siite,  
und s Buechergschtell das tueni do als Sichtschutz vor mis Bett.  
Min Helm und d Shtifel won ich immer bruch zum Riite,  
die tuen ich bitz verschtecke will ich die susch immer putze  
sett.

*Sofia Camisani*

*Rubina Ruzzini*

Die farbig Zeichnig us de Schuel, die chunnt uf d Siite,  
defür chunnt s Poster vom Ed Sheeran übers Bett.

L.A., N.L., S.G., M.R., A.R., S.C., R.R. Mis Zimmer, das isch s Zäntrum vo mim Läbe.  
Vo Aafang a isch s mis deheime gsi.  
S het sich veränderet mit mir und isch denäbe  
grad wien e Schatztrue gsi für mini Fantasie.

# Planet ICH (Ende)

T. & M. D. Liauw

## 4. Teil

*Lia Arrigoni*

*Annika Röthlin*

*Mona Richle*

*L.A., A.R., M.R., S.C., M.R., R.R.*

*Mona Richle*

*Sofia Camisani*

*Rubina Ruzzini*

*L.A., A.R., M.R., S.C., M.R., R.R.*

I dem Zimmer isch scho mini Wiegi gschtande.  
Mis Mami seit, do heig ich au mis erschte Wörtli gretd.  
Ha um mi ume d Wält so nadisna verstande.  
Do hani gschpielt und au so mäenge böse Traum gha znacht im  
Bett.

Ich bi so stolz gsi uf die allererschte Ufzgi,  
und ich ha träumt devo, was ich mol werde wett.

Mis Zimmer, das isch s Zäntrum vo mim Läbe.  
Vo Aafang a isch s mis deheime gsi.  
S het sich veränderet mit mir und isch denäbe  
grad wien e Schatztrue gsi für mini Fantasie.

I dem Zimmer han ich mini beshti Fründin,  
i alli mini Traum und mini gheimschte Wunsch iigweit,  
und ha mim Chüssi do min erschte Liebeskummer  
in Träne avertrout und gmeint, es sigi alles abverheit.  
Do hani chatted, stundelang, und öppe gamet,  
und mini Lieblingsjeans zum xt' mol zämegnät.

Mis Zimmer, das isch s Zäntrum vo mim Läbe.  
Vo Aafang a isch s mis deheime gsi.  
S het sich veränderet mit mir und isch denäbe  
grad wien e Schatztrue gsi für mini Fantasie.

## 5. Teil: alle

*alle*

D Sache vo früener sind scho lang verschwunde,  
und d Chleider sind jetz nüme so chli.  
ich ha nur zwoi drü ganz alti Sache gfunde,  
die, meint ich, sind scho immer do gsi.  
Aber alls, wo do passiert isch,  
und alles, woni je ha gha,  
das isch i miner Erinnerig  
als Teil vo mir immer no da.

*alle*

Das isch mini Wält, mini Heimet, mini eigene vier Wänd.  
Das isch mini Wält, woni läbe, wo ihr nüt z säge händ.  
Und weni mol e chli trurig bi, oder eifach nume verruckt,  
denn bruchi chli Rueh und zieh mich eifach dohi zrug.